

Na osnovu člana 4. stav (2) Uredbe o kriterijima za utvrđivanje korisnika i načinu raspodjele dijela prihoda ostvarenih po osnovu naknada za priređivanje igara na sreću („Službene novine Federacije BiH“, br. 89/15, 11/17 i 87/22) Federalno ministarstvo zdravstva donosi

**UPUTSTVO ZA PODNOŠENJE PRIJAVA ZA JAVNI POZIV
ZA FINANSIRANJE PROJEKATA I PROGRAMA IZ SREDSTAVA DIJELA
PRIHODA OSTVARENIH U BUDŽETU FEDERACIJE BOSNE I HERCEGOVINE
PO OSNOVU NAKNADA ZA PRIREĐIVANJE IGARA NA SREĆU**

I. - CILJEVI JAVNOG POZIVA

Federalno ministarstvo zdravstva raspisuje Javni poziv za prikupljanje zahtjeva za dodjeljivanje sredstava u svrhu finansiranja/sufinansiranja projekata i programa iz dijela prihoda ostvarenih u Budžetu Federacije Bosne i Hercegovine po osnovu naknada za priređivanje igara na sreću, koji se odnose na:

- liječenje i rehabilitaciju teško oboljele djece i mladih koje je jedino moguće da se provodi izvan Bosne i Hercegovine i to na temelju propisa iz oblasti zdravstvenog osiguranja kojima se uređuje ova oblast,
- liječenje i rehabilitacija teško oboljele djece i mladih čije se liječenje finansira iz federalnog fonda solidarnosti, kao i
- organiziranje akcija dobrovoljnog darivanja krvi, odnosno promociju dobrovoljnog davalatstva krvi.

II. - KORISNICI SREDSTAVA

Sredstva se usmjeravaju za finansiranje projekata i programa koje predlažu udruženja građana i humanitarne organizacije sa sjedištem na teritoriji Federacije Bosne i Hercegovine, koje su osnovane u skladu sa važećim propisima o udruženjima i fondacijama.

Svaki podnositelj zahtjeva može se prijaviti s jednim projektom iz pojedine oblasti, samo kod jednog od 5 (pet) resornih ministarstava koja raspisuju javni natječaj za financiranje projekata/programa iz sredstava dijela prihoda ostvarenih po osnovu naknada za priređivanje igara na sreću.

Korisnici sredstava koji su dobili sredstva u svrhu finansiranja/sufinansiranja projekata i programa iz dijela prihoda ostvarenih u Budžetu Federacije Bosne i Hercegovine po osnovu naknada za priređivanje igara na sreću u posljednje tri godine, a nisu dostavili finansijski izvještaj o namjenskom utrošku sredstava u rokovima propisanim Uredbom o kriterijima za utvrđivanje korisnika i načinu raspodjele dijela prihoda ostvarenih po osnovu naknada za priređivanje igara na sreću („Službene novine Federacije BiH“, br. 89/15, 11/17 i 87/22) ili utvrđeno da su dodijeljena sredstva utrošili suprotno propisanim kriterijima, ne mogu ostvariti pravo na dodjelu sredstava u tekućoj godini i njihove prijave neće biti razmatrane.

Na web stranici Ministarstva će biti objavljena tabela aplikanata koji ne mogu ostvariti pravo na dodjelu sredstava.

Organizacije kojima su, u skladu s Uredbom, dodijeljena sredstva za finansiranje predloženih projekata i programa, dužna su do kraja kalendarske godine u kojoj su sredstva dodijeljena, dostaviti Ministarstvu izvještaj o namjenskom utrošku dodijeljenih finansijskih sredstava. Izuzetno, ukoliko realizacija projekta traje do samog kraja kalendarske godine, izvještaj se može dostaviti najkasnije do 15.01. naredne godine.

III. - OCJENJIVANJE I ODABIR PRIJEDLOGA PROJEKATA

Projektne prijedloge razmotrit će i procijeniti komisija za ocjenu i bodovanje predloženih programa i projekata. Sve aktivnosti koje podnositelj prijedloga navede bit će procijenjene u skladu sa sljedećim kriterijima:

(1) Ispunjenje administrativnih uvjeta:

- Prijava dostavljena na vrijeme - u roku predviđenom javnim pozivom;
- Ispravno adresirana koverta (sa naznakom „Prijava na javni konkurs za finansiranje projekata/programa iz sredstava dijela prihoda ostvarenih po osnovu naknada za priređivanje igara na sreću – naznaka oblasti za koju se aplicira“. – *vidjeti tačku VI. Prijavni obrazac i potrebna dokumentacija*);
- Aplikacija/prijava kompletno popunjena;
- Dostavljena tražena dokumentacija (original ili ovjerene kopije sukladno tekstu javnog konkursa);
- Dostavljena dodatna dokumentacija u skladu sa zahtjevima javnog poziva.

Procjena kvaliteta projekta, uključujući i predloženi budžet, vršit će se u skladu sa općim i posebnim kriterijima javnog poziva.

(2) Opći kriteriji

Opći kriteriji definirani su članom 4. Uredbe o kriterijima za utvrđivanje korisnika i načinu raspodjele dijela prihoda ostvarenih po osnovi naknada za priređivanje igara na sreću („Službene novine Federacije BiH 89/15, 11/17 i 87/22 - u daljnjem tekstu: Uredba), i to kako slijedi:

- 1) broj kalendarskih godina poslovanja korisnika sredstava,
- 2) broj realiziranih programa i projekata koji su finansirani od strane drugih organa uprave,
- 3) preporuke stručnjaka ili nadležne institucije koji su sudjelovali u izradi predmetnog projekta,
- 4) udio vlastitih sredstava u finansiranju predmetnog projekta,

5) broj pozitivnih izvještaja iz ranijeg perioda za dodijeljena sredstva u skladu s ovom uredbom.

(3) Posebni kriteriji

Ministarstvo je, u skladu sa članom 3. Uredbe, utvrdilo posebne kriterije, koji su osnova za ocjenu i izradu prijedloga raspodjele kandidiranih projekata i programa iz oblasti utvrđenih za zdravstvo u skladu sa Zakonom o igrama na sreću („Službene novine Federacije BiH“ br. 48/15 i 60/15).

3.1. Liječenje djece i mladih u inostranstvu

Radi liječenja oboljenja, koja se ne mogu liječiti u Federaciji BiH, osoba se može liječiti u zdravstvenoj ustanovi u inostranstvu u kojoj postoji mogućnost uspješnog liječenja.

Oboljenja, koja se ne mogu liječiti u zdravstvenim ustanovama na teritoriji Federacije BiH, u skladu sa Pravilnikom o uvjetima i postupku upućivanja osiguranih osoba na liječenje u inostranstvo („Službene novine Federacije BiH“, br. 93/13, 102/15, 16/19 i 22/19), su:

- 1) urođene srčane mane kod djece koje se mogu liječiti operativnim putem;
- 2) oboljenja iz oblasti dječije onkologije;
- 3) neurohirurška oboljenja djece i mladih koja se mogu uspješno liječiti neurohirurškom operacijom gama sajber i tribun nožem;
- 4) embolizacija, stentiranje i koilovanje krvnih sudova;
- 5) tumori oka kod djece i mladih;
- 6) ekstenzivne opekotine preko 60% površine;
- 7) oboljenje jetre, bubrega, pankreasa, srca, rožnice kod djece i mladih, koja se mogu uspješno liječiti transplantacijom;
- 8) oboljenja kod mladih koja zahtijevaju transplantaciju koštane srži;
- 9) elektrofiziološka ispitivanja kompleksnih aritmija sa eventualnom radiofrekventnom ablacijom;
- 10) oboljenja kod djece izuzetno rijetkih patologija, odnosno oboljenja sa niskom incidencom (jedan na milion stanovnika), ukoliko se radi o jedinom oboljenju, odnosno ukoliko bi liječenje u inostranstvu dovelo do potpunog izlječenja;
- 11) osteosarkom kod djece koji se može liječiti operativnim putem.

Za slučajeve upućivanja na liječenje u inostranstvo u smislu tačke 10) potrebno je da referentna zdravstvena ustanova za konkretan slučaj raspolaže domaćim, odnosno međunarodnim statističkim podacima, koji potvrđuju postojanje tzv. niske incidence (odgovarajući statički izvještaj sa podacima o njihovim izvorima).

Posebni kriteriji kojima treba da udovolje projekti i programi koje predlažu udruženja građana i humanitarne organizacije (u daljem tekstu: aplikant) za namjenu „liječenje i rehabilitacija teško oboljele djece i mladih koje je jedino moguće da se provodi izvan Bosne i Hercegovine i to na temelju propisa iz oblasti zdravstvenog osiguranja kojima se uređuje ova oblast“, su sljedeći:

- a) Kvalitet ponuđenog projekta/programa, s aspekta metodologije izrade, odnosno jasno definiranih ciljeva i metoda provođenja projektnih aktivnosti;
- b) Broj korisnika;
- c) Ostvareni rezultati u realizaciji dosadašnjih projekata/programa;
- d) Obrazloženje potrebe za liječenjem izvan Bosne i Hercegovine, sa dokazima:
 - prethodno pribavljen prijedlog univerzitske-kliničke bolnice (u daljem tekstu: klinička zdravstvena ustanova) koja se bavi liječenjem oboljenja koja su naznačena naprijed na listi, a za koje se traži odlazak na liječenje u inostranstvu, sa mišljenjem liječničkog konzilija izdatog saglasno Pravilniku o postupku i načinu rada liječničkog konzilijuma („Službene novine Federacije BiH“, broj 55/13);
 - da je dijagnostička obrada i liječenje obavljeno u kliničkim zdravstvenim ustanovama u Federaciji BiH, te da su iscrpljene sve mogućnosti daljeg liječenja u ovim zdravstvenim ustanovama u Federaciji BiH;
 - da postoji mogućnost uspješnog ishoda liječenja u odgovarajućoj zdravstvenoj ustanovi u inostranstvu;
 - da je liječenje koje se preporučuje naučno dokazano i prihvaćeno u praksi, kao i da ne predstavlja eksperimentalni oblik liječenja;
 - da će predloženo liječenje dovesti do značajnog produženja i poboljšanja kvaliteta života;
 - da su u kliničkim zdravstvenim ustanovama u Federaciji BiH sanirana sva žarišta i interkurentna oboljenja koja mogu odgoditi početak liječenja u inostranstvu.

Aplikant je obavezan dostaviti podatak o državi i inostranoj zdravstvenoj ustanovi u kojoj se predlaže obavljanje liječenja.

Troškovima liječenja u inostranstvu smatraju se:

- 1) troškovi liječenja u inostranoj zdravstvenoj ustanovi;
- 2) troškovi nabavke lijeka iz inostranstva;
- 3) naknada putnih troškova (troškovi prevoza i dnevnica na ime troškova ishrane, smještaja, pratioca, davanja organa i tkiva-donora);
- 4) troškovi angažiranja inostranog zdravstvenog stručnjaka u zdravstvenim ustanovama u Federaciji BiH.

Aplikant je obavezan u prijavi da naznači za koji dio troškova liječenja potražuje sredstva za liječenje u inostranstvu.

Projekti/programi u oblasti zdravstva **za tačku 3.1.** podržat će se u skladu sa finansijskim mogućnostima, odnosno u maksimalnom iznosu do 50.000,00 KM po projektu/programu.

3.2. Liječenje djece i mladih u BiH (oboljenja sa Liste Federalnog fonda solidarnosti)

Oboljenja koja se liječe u okviru Federalnog fonda solidarnosti:

- 1) hronična hemodijaliza ili peritonealna dijaliza, uključujući i prevoz na dijalizu,
- 2) liječenje oboljenja, odnosno stanja dječije onkologije, uz tipizaciju,
- 3) ugradnja kohlearnog implantata kod djece,
- 4) kardiologija i kardiohirurgija kod djece,
- 5) usluge iz oblasti kardiologije i kardiohirurgije,
- 6) najsloženije neurohirurške operacije,
- 7) najsloženije operacije iz oblasti ortopedije i traumatologije,
- 8) usluge iz oblasti urologije,
- 9) usluge iz oblasti vaskularne hirurgije i invazivno-interventnih procedura na krvnim sudovima,
- 10) usluge iz oblasti torakohirurgije,
- 11) usluge dijagnostičkih pretraga na hepatitis C i težih oblika hepatitisa B,
- 12) operacija urođenih srčanih mana,
- 13) usluge iz oblasti transplantologije,
- 14) usluge radioterapije kod malignih oboljenja,
- 15) usluge iz oblasti nuklearne medicine,
- 16) usluge PET/CT,
- 17) usluge dobrovoljnog i anonimnog savjetovanja i testiranja na HiV/AIDS,
- 18) sufinansiranje nabavke humanog imunoglobulina,
- 19) sufinansiranje nabavke lijekova za liječenje multiple skleroze,
- 20) sufinansiranje nabavke lijekova za liječenje hemofilije,
- 21) sufinansiranje nabavke imunosupresivnih lijekova,
- 22) sufinansiranje nabavke lijekova za liječenje oboljelih od hepatitisa C i B,
- 23) sufinansiranje nabavke antiretrovirusnih lijekova,
- 24) sufinansiranje nabavke citostatika,
- 25) sufinansiranje nabavke lijekova za dijalizu,
- 26) sufinansiranje nabavke lijekova za liječenje upalnih bolesti debelog crijeva (Chronove bolesti i ulceroznog kolitisa),
- 27) usluge humane reprodukcije lica sa invaliditetom,
- 28) profilakse respiratornog sincicijalnog virusa (RSV) ugroženih grupa djece polivizumabom u Federaciji BiH,
- 29) nabavka traka i aparata za kontrolu dijabetesa,
- 30) novorođenački skrining na kongenitalni hipotireoidizam i fenilketonuriju i adrenalnu hiperplaziju,
- 31) sufinansiranje nabavke potrošnog materijala za dijalizu,
- 32) eventualno, po potrebi, ostali programi zdravstvene zaštite u skladu sa Odlukom o utvrđivanju prioritetnih vertikalnih programa zdravstvene zaštite od interesa za Federaciju BiH i prioritetnih najsloženijih oblika zdravstvene zaštite iz određenih specijalističkih djelatnosti.

Posebni kriteriji kojima treba da udovolje projekti i programi za namjenu "liječenje i rehabilitacija teško oboljele djece i mladih, čije se liječenje finansira iz fonda federalne solidarnosti", su:

- a) Kvalitet ponuđenog projekta/programa, s aspekta metodologije izrade, odnosno jasno definiranih ciljeva i metoda provođenja projektnih aktivnosti;

- b) Broj korisnika;
- c) Ostvareni rezultati u realizaciji dosadašnjih projekata/programa;
- d) Opravdanost troškova.

Projekti u oblasti zdravstva podržat će se u skladu sa finansijskim mogućnostima, odnosno u maksimalnom iznosu do 30.000,00 KM po projektu/programu.

3.3. Organiziranje akcija dobrovoljnog darivanja krvi, odnosno promocija dobrovoljnog davalaštva krvi

Akcije darivanja krvi se organiziraju u cilju osiguranja krvi i krvnih sastojaka po utvrđenim potrebama za krvi. Promocija dobrovoljnog davalaštva ima za cilj informiranje građana o značaju davalaštva krvi.

Obuhvat projekata pod tačkom 3.3:

- Organiziranje akcija dobrovoljnog darivanja krvi, uključujući animaciju davalaca,
- Promocija dobrovoljnog davalaštva krvi, uključujući pripremu, štampanje i distribuciju promotivnih materijala i sl.

Aplikant je dužan, kod organiziranja akcija dobrovoljnog darivanja krvi:

- organizirati akciju,
- obezbjediti prostor za rad,
- obezbjediti plakatiranje s informacijama o akciji,
- izvršiti medijsku najavu akcije darivanja krvi,
- može organizirati i podjelu zahvalnih obroka i osvježenja za dobrovoljne davaoce.

Aplikant je dužan, kod promocije dobrovoljnog davalaštva krvi:

- pripremiti promotivne materijale,
- izraditi i distribuirati promotivne materijale (promo i informativni plakati, letci, afiši, postavljanje bilborda, emitovanje spotova i radio džinglova, promocija u elektronskim medijima, tekstovi u štampanim medijima, konferencije za novinare i sl.),
- može organizirati susrete dobrovoljnih davalaca, kao i organizirati promotivne aktivnosti (sportske i druge manifestacije).

Organiziranje akcija darivanja krvi, kao i promocija dobrovoljnog davalaštva krvi, aplikanti su dužni izvršiti u saradnji sa Zavodom za transfuzijsku medicinu Federacije Bosne i Hercegovine, transfuzijskim centrima i transfuzijskim odsjecima u Federaciji BiH, a prema mjestu provođenja akcije darivanja krvi, odnosno promocije.

Aplikant je dužan da dostavi izjavu odgovorne osobe transfuzijske ustanove/centra/službe kojom se potvrđuje da će projekat i program pod tačkom 3.3. realizirati u saradnji sa aplikantom – u formi koja je prilog 1 ovom Uputstvu.

Posebni kriteriji kojima treba da udovolje projekti i programi za namjenu „Organiziranje akcija dobrovoljnog darivanja krvi, odnosno promocija dobrovoljnog davalaštva krvi”, su:

- a) Kvalitet ponuđenog projekta/programa, s aspekta metodologije izrade, odnosno jasno definiranih ciljeva i metoda provođenja projektnih aktivnosti;
- b) Broj darivatelja krvi/korisnika;
- c) Ostvareni rezultati u realizaciji dosadašnjih projekata/programa

d) Opravdanost troškova

Projekti u oblasti zdravstva pod tačkom 3.3. podržat će se u skladu sa finansijskim mogućnostima, odnosno u maksimalnom iznosu do 10.000,00 KM po projektu/programu.

Aplikant koji se prijavljuje za dodjelu sredstava u okviru tač 1, 2. i 3. u cilju sufinansiranja apliciranog projekta, dužan je u aplikaciji navesti iz kojih izvora su osigurana preostala sredstva za finansiranje projekta i u kojem iznosu.

Jedan aplikant može aplicirati po javnom pozivu samo jednom prijavom u oblasti zdravstva.

(4) Sistem bodovanja

Svaki član komisije potpisuje svoju individualnu tabelu za ocjenjivanje, a svi članovi zajedno potpisuju zbirnu tabelu za svaki projektni prijedlog. Rangiranje projektnih prijedloga vrši se na način da je prvoplasirani projektni prijedlog onaj koji ima najveći zbir bodova, zatim slijedi projekat s prvim sljedećim nižim zbirom bodova, i tako do najnižeg zbira osvojenih bodova.

Samo projekti koji su dobili više od 70 bodova bit će razmatrani za finansiranje, jer projektni prijedlozi ispod ovog praga nisu u stanju da zadovolje postavljene standarde pa bi efikasnost njihove provedbe mogla biti upitna.

U slučaju da je u okviru raspoloživih sredstava moguće finansirati sve projekte koji imaju više od 70 bodova, isti će biti finansirani u traženom iznosu za sve opravdane troškove definirane u tački IV.

Ukoliko je broj prijavljenih projekata bodovanih sa više od 70 bodova veći od ukupno raspoloživih sredstava, isti će se finansirati u zavisnosti od broja bodova na osnovu sljedeće formule:

Ukupno raspoloživa sredstva *	Ponderisani broj osvojenih bodova za projekat	=vrijednost koja će se finansirati
	Ukupan ponderisani broj bodova za sve projekte	

Ukoliko se sredstva za finansiranje projekata umanje na ovaj način, u ugovoru će se obavezno navesti koji troškovi se finansiraju, a kako bi se omogućilo bolje praćenje utroška sredstava.

(5) Bodovna shema

Red. br.	Opći kriteriji	Bodovanje (1-10)		Maksimalan broj bodova
1.	Broj kalendarskih godina poslovanja korisnika sredstava	Godine	Bodovanje	10
		0-2	2	
		3-5	4	
		6-10	8	
		Preko 10	10	
2.	Broj realiziranih programa i projekata koji su financirani od strane drugih organa uprave	Broj programa	Bodovanje	10
		1-2	2	
		3-5	4	
		6-10	8	
		Preko 10	10	
3.	Preporuke stručnjaka ili nadležne institucije koji su sudjelovali u izradi predmetnog projekta	Preporuke	Bodovanje	5
		1-5	3	
		Preko 5	5	
4.	Udio vlastitih sredstava u finansiranju predmetnog projekta	Udio	Bodovanje	10
		do 5%	3	
		6-10%	6	
		Preko 10%	10	
5.	Broj pozitivnih izvješća iz ranijeg razdoblja za dodijeljena sredstva u skladu Uredbom*	Preporuke	Bod	5
		1-3	3	
		Preko 3	5	
A	Ukupno			40
Red. br.	Posebni kriteriji	Bodovanje (1-10)		Maksimalan broj bodova
1.	Kvalitet ponuđenog projekta/programa, s aspekta metodologije izrade, odnosno jasno definiranih ciljeva i metoda provođenja projektnih aktivnosti;	Odgovara ciljevima javnog poziva - relevantan	1-5	20
		Jasno definisani specifični ciljevi	1-5	
		Aktivnosti odgovaraju ciljevima i očekivanim rezultatima	1-5	
		Aktivnosti detaljno opisane	1-5	

2.	Broj korisnika, odnosno darivatelja krvi;	Oblast 3.1. 1 2-3 4 i više	5 10 15	15
		Oblast 3.2. 1-5 6-10 11 i više	5 10 15	
		Oblast 3.3. 1-10 11-20 21 i više	5 10 15	
3.	Ostvareni rezultati u realizaciji dosadašnjih projekata/programa u oblasti zdravstva (izvještaji, publikacije, fotografije i drugi dokumentovani dokazi o rezultatima)	1-5 izvještaja publikacija i drugih dokumentovanih dokaza o rezultatima	5	10
		6-10 publikacija i drugih dokumentovanih dokaza o rezultatima	10	
4.	Organizacija registrirana za obavljanje djelatnosti iz oblasti zdravstva	Ne - 0	Da - 5	5
5.	Opravdanost troškova	Omjer troškova zadovoljava kriterije Javnog poziva, a u skladu sa tačkom IV Uputstva	1-5	10
		Struktura i vrsta troškova odgovara ciljevima i aktivnostima projekta, a u skladu sa tačkom IV Uputstva	1-5	

B	Ukupno			60
A+B				100

*udruge koje ne dostave dokaze o pozitivnim izvještajima iz ranijeg razdoblja za dodijeljena sredstva u skladu Uredbom bodovaće se sa 0 bodova.

Programe/projekte koji budu predloženi od strane podnositelja zahtjeva, Ministarstvo će podržati u skladu s utvrđenom rang listom do utroška planiranih sredstava, što je precizirano u obrascu zahtjeva.

Komisija za ocjenu i bodovanje predloženih programa i projekata sačinjava prijedlog rang-liste korisnika za dodjelu sredstava iz dijela prihoda ostvarenih na temelju naknada za privređivanje igara na sreću za tekuću godinu. Povjerenstvo imenuje federalno ministarstvo zdravstva.

Konačnu Odluku o raspodjeli sredstava korisnicima, kojima je nakon provedene procedure odobrena raspodjela sredstava po javnom pozivu donosi Vlada Federacije BiH, a biti će objavljena u „Službenim novinama Federacije BiH“ i na stranici Federalnog ministarstva zdravstva.

IV. - OPRAVDANI I NEOPRAVDANI TROŠKOVI

Prilikom izrade programa/projekata potrebno je planirati i budžet po aktivnostima i po vrstama troška pri čemu treba uzeti u obzir da je iz budžeta Federacije BiH moguće finansirati samo opravdane troškove, te da se njihova visina mora planirati na realnim osnovama, a kako je pojašnjeno u nastavku.

Opravljeni troškovi:

- Troškovi osoblja projekta (menadžer/koordinator) u iznosu od maksimalno 10% u odnosu na vrijednost projekta, odnosno vrijednosti projekta koji se finansira sredstvima Budžeta Federacije BiH
- Ukupna vrijednost projekta je zbir vlastitog doprinosa i doprinosa Federalnog ministarstva zdravstva (Npr. projekat vrijedi 15.000 KM, od čega je 10.000 doprinos Federalnog ministarstva zdravstva, a 5.000 je vlastiti doprinos aplikanta.) Pravdanje se vrši u odnosu na ukupnu vrijednost projekta (potrebno je dostaviti dokaz o svim troškovima, uključujući i vlastiti doprinos).
- Medicinska pomagala, lijekovi i drugo navedeno u okviru proziva treba biti budžetirano na bazi prikupljenih ponuda (u prilog budžetu treba dostaviti istraživanje tržišta/najmanje 2 ponude).
- Promotivni materijali, dizajn, bilbordi i druga oglašavanja trebaju biti planirani na osnovu jedinice i količine, a što će utvrditi dostavljanjem istraživanja tržišta/najmanje 2 ponude (**Samo za programe darivanja krvi i promocije dobrovoljnog davalatstva krvi*).
- Liječenje u inozemstvu također planirati na osnovu predračuna/ponuda (priložiti uz budžet).
- Troškovi medicinske rehabilitacije (banje, odlazak u prirodu itd.) moraju biti definirani na način da se planira trošak po korisniku, a što će utvrditi dostavljanjem istraživanja tržišta/najmanje 2 ponude. Ukoliko na tržištu egzistira isključivo jedan subjekt koji pruža adekvatnu predmetnu uslugu,

uslugu, tada je aplikant obavezan dokazati takvu okolnost. Federalno ministarstvo zdravstva zadržava pravo provjere takve okolnosti i ukoliko se dokaže suprotno, isključit će aplikanta iz daljnje procedure. Prevoz korisnika može biti organizovan na način da se unajmi prevoznik (pravno lice), za što se dostavljaju ponude (koje se prikupljaju istraživanjem tržišta) ili da se ugovori prevoz sa fizičkim licima pri čemu se trošak obračunava na način da se broj pređenih kilometara množi sa 15% cijene benzina 95 u BiH na dan obračuna. Broj pređenih kilometara se određuje na način da se obračuna najkraća udaljenost koja se mora prijeći prijevoznim sredstvom, a koja se može utvrditi (izmjeriti) na geografskoj karti namijenjenoj vozačima. Troškovi cestarine, putarine, mostarine, naknade za korištenje tunela, parkinga planiraju se prema stvarnim troškovima i pravdaju se na osnovu priloženih računa.

- Obroci i napici za dobrovoljne davaoce krvi ne smiju biti planirani iznad 15 KM po jednom darivaocu.
- Kancelarijski materijal koji je potreban za realizaciju projekta – potrošni materijal (papir, olovke...) u iznosu od maksimalno 3%
- Konsultantski ugovori neophodni za implementaciju aktivnosti se moraju planirati u bruto iznosima.

Neopravdani troškovi:

- Nije dozvoljena nabavka opreme, osim u slučaju da je njena nabavka neophodna za implementaciju projekta;
- Nije dozvoljeno planirati troškove telefona, čišćenja kancelarija, niti drugih režijskih troškova (struja, voda, plin i sl.) organizacije koja kandidira projekat;
- Nisu dozvoljeni građevinski radovi (adaptacija prostorija organizacije, dograđivanje i sl.);
- Nije dozvoljena kupovina automobila za potrebe organizacije i dr.
- Nije dozvoljena kupovina alkoholnih pića

V. - PRAVO UČESTVOVANJA

Pravo učestvovanja imaju udruženja građana i humanitarne organizacije osnovane u skladu sa važećim propisima o udruženjima i fondacijama, koje imaju sjedište na teritoriji Federacije Bosne i Hercegovine, a koji ispunjavaju opće i posebne kriterije propisane javnim pozivom.

VI. - PRIJAVNI OBRAZAC I POTREBNA DOKUMENTACIJA

Prijavni obrazac sadrži sljedeće podatke:

- 1) naziv udruženja ili organizacije, sa osnovnim podacima;
- 2) imena lica odgovornih za realizaciju projekta/programa;
- 3) broj transakcijskog računa;
- 4) realizirani projekti/programi;
- 5) naziv projekta/programa;
- 6) oblast na koju se projekat/program odnosi;
- 7) opis projekta/programa sa ciljevima;
- 8) indikatori učinka;
- 9) iznos sredstava koji se traži;

- 10) struktura izvora finansiranja projekta/programa (sopstvena sredstva, donacije, sredstva iz Budžeta Federacije BiH, sredstva iz budžeta općina i dr.);
- 11) Planirani budžet programa/projekta,
- 12) ovlašteno – odgovorno lice za realizaciju programa,
- 13) rok realizacije projekta, i
- 14) potpis i pečat odgovornog lica korisnika sredstava.

Prijavni obrazac mora biti elektronski popunjen na jednom od službenih jezika u Federaciji BiH, na kraju obrasca obvezno navesti mjesto, datum i potpis odgovorne osobe udruženja/organizacije, te ovjeriti pečatom udruženja/organizacije (Prilog 1. ovog Uputstva);

Uz prijavni obrazac, aplikant je dužan priložiti sljedeće:

1. Detaljan opis projekta koji je potpisla i pečatirala ovlaštena osoba za predstavljanje i zastupanje aplikanta
2. Dokumentaciju na osnovu koje su planirani troškovi programa/projekta (poglavlje IV Uputstva)
3. Aktuelni izvod iz registra nadležnog ministarstva pravde/pravosuđa u kome je aplikant registriran (rješenje) - ne starije od šest mjeseci od dana objave javnog natječaja (original ili ovjerena kopija-ovjerena u nadležnoj službi tijela jedinice lokalne samouprave ili u notarskom uredu) ili rješenje o registraciji ako je aplikant registriran manje od šest mjeseci od dana objave javnog natječaja;
4. Uvjerenje o poreznoj registraciji - ID broj (original ili ovjerena kopija-ovjerena u nadležnoj službi tijela jedinice lokalne samouprave ili u notarskom uredu);
5. Potvrda od banke u kojoj je navedeno da račun nije blokiran iz koje se vidi broj transakcijskog računa i ID broj korisnika, ne starija od tri mjeseca od dana objave javnog natječaja (original ne stariji od tri mjeseca ili ovjerena kopija-ovjerena u nadležnoj službi tijela jedinice lokalne samouprave ili u notarskom uredu);
6. Posljednja bilanca stanja i uspjeha s jasno vidljivim pečatom Agencije za financijske, informatičke i posredničke usluge (original ili ovjerena kopija-ovjerena u nadležnoj službi tijela jedinice lokalne samouprave ili u notarskom uredu), s izuzećem udruga i humanitarnih organizacija koje su registrirane manje od godinu dana;
7. Dokazi o realiziranim projektima iz prethodnog perioda (kojim se dokazuje kontinuitet djelovanja), bez obzira na to od koga su sredstva dobivena (mogu se dostaviti potvrde o prethodno realiziranim projektima izdatim od strane financijera, objavljeni članci koji moraju biti isprintani, plakati, pozivnice, brošure, novinski tekstovi te drugi promotivni materijal iz kojega se jasno vidi da je aplikant organizator projekta);
8. Dokaz da odgovorna osoba korisnika sredstava nije osuđivana za krivična djela, osim za krivična djela iz oblasti prometa koji se dostavlja iz MUP-a.

(original ili ovjerena kopija-ovjerena u nadležnoj službi tijela jedinice lokalne samouprave ili u notarskom uredu);

9. Ovjerena izjava pod punom materijalnom i krivičnom odgovornošću, kojom odgovorna osoba korisnika sredstava, potvrđuje da nije aplicirala s istim zahtjevom/projektom kod drugih nadležnih ministarstava na osnovu Uredbe u tekućoj kalendarskoj godini (original ili ovjerena kopija-ovjerena u nadležnoj službi tijela jedinice lokalne samouprave ili u notarskom uredu) i
10. Preporuke stručnjaka ili nadležne institucije koji su sudjelovali u izradi predmetnog projekta.

Dodatna dokumentacija za pojedine oblasti:

1) Liječenje djece i mladih u inostranstvu

- prethodno pribavljen prijedlog univerzitske-kliničke bolnice (u daljem tekstu: klinička zdravstvena ustanova) koja se bavi liječenjem oboljenja koja su naznačena naprijed na listi, a za koje se traži odlazak na liječenje u inostranstvu, sa mišljenjem liječničkog konzilija izdatog saglasno Pravilniku o postupku i načinu rada liječničkog konzilijuma („Službene novine Federacije BiH“, broj 55/13);
- dokaz da je dijagnostička obrada i liječenje obavljeno u kliničkim zdravstvenim ustanovama u Federaciji BiH, te da su iscrpljene sve mogućnosti daljeg liječenja u ovim zdravstvenim ustanovama u Federaciji BiH;
- dokaz da postoji mogućnost uspješnog ishoda liječenja u odgovarajućoj zdravstvenoj ustanovi u inostranstvu;
- da je liječenje koje se preporučuje naučno dokazano i prihvaćeno u praksi, kao i da ne predstavlja eksperimentalni oblik liječenja;
- da će predloženo liječenje dovesti do značajnog produženja i poboljšanja kvaliteta života;
- da su u kliničkim zdravstvenim ustanovama u Federaciji BiH sanirana sva žarišta i interkurentna oboljenja koja mogu odgoditi početak liječenja u inostranstvu;

2) Organiziranje akcija dobrovoljnog darivanja krvi, odnosno promocija dobrovoljnog davalaštva krvi:

- Aplikant je dužan da dostavi izjavu odgovorne osobe transfuzijske ustanove/centra/službe kojom se potvrđuje da će projekat i program pod tačkom 3.3. realizirati u saradnji sa aplikantom – u formi koja je prilog 2. ovom Uputstvu.

***Napomena:**

Za oblast: Liječenje djece i mladih u BiH (oboljenja sa liste federalnog fonda solidarnosti) nije potrebna dodatna dokumentacija.

Prijavni obrazac za javni poziv preuzima se na službenoj web stranici
Federalnog ministarstva zdravstva – www.fmoh.gov.ba

Uz popunjeni Prijavni obrazac aplikant je dužan priložiti i svu neophodnu dokumentaciju navedenu u tekstu ovog Javnog poziva, i to **u jednom primjerk**u u originalu ili ovjerenoj kopiji.

Prijave potpisane od strane ovlaštenog lica, dostavljaju se u zatvorenoj koverti sa naznakom jednog od tri područja za koje aplikant aplicira i to:

„Za Javni poziv – raspodjela sredstava od igara na sreću“ – Liječenje djece i mladih u inostranstvu

„Za Javni poziv – raspodjela sredstava od igara na sreću“ – Liječenje djece i mladih u BiH

„Za Javni poziv – raspodjela sredstava od igara na sreću“ – Organiziranje akcija dobrovoljnog darivanja krvi, odnosno promocija dobrovoljnog davalatstva krvi

Koverta se dostavlja lično ili putem pošte na sljedeću adresu:

**Federalno ministarstvo zdravstva
Ul. Titova br. 9.
71000 Sarajevo**

**Rok za dostavljanje prijave je 21 dan od dana posljednje objave
Javnog poziva.**

**Javni poziv objavit će se u dvije dnevne novine i
na internet stranici Federalnog ministarstva zdravstva.**

Na poleđini koverta (ovjerene pečatom podnositelja prijave) obvezno navesti:

- naziv podnositelja prijave
- adresu i kontakt telefon

Nepotpune, nepravovremene i neuredne prijave se neće uzeti u razmatranje, odnosno iste će biti odbačene i neće biti predmet daljnjeg razmatranja prijave ako:

- su neblagovremene,
- nemaju sve sadržajne elemente, odnosno ne dostave traženu dokumentaciju na način kako je to propisano Javnim pozivom,
- ne ispunjavaju uvjete ovog Javnog poziva.

Propisani obrasci i prilozi uz Javni poziv koji su aplikanti dužni uredno i u cijelosti popuniti sukladno uputama Javnog poziva i kao takve priložiti uz prijavu, se ne smiju mijenjati i/ili prilagođavati. U suprotnom takva prijava neće biti razmatrana.

Korisnici sredstava kojima budu odobrena sredstva na osnovu prijave podnesene po javnom pozivu, dužni su nadležnom ministarstvu dostaviti Izvještaj o namjenskom utrošku dodijeljenih sredstava, do kraja kalendarske godine u kojoj su sredstva dodijeljena.

Konačnu Odluku o raspodjeli sredstava korisnicima, kojima je nakon provedene procedure odobrena raspodjela sredstava pojavnim pozivu, donosi Vlada Federacije BiH, a bit će objavljena u „Službenim novinama Federacije BiH“ i na internet stranici Federalnog ministarstva zdravstva.

***Napomena:** U smislu javnog poziva izraz „mladi“ koristi se u značenju definiranom u skladu sa Zakonom o mladima Federacije Bosne i Hercegovine („Službene novine Federacije BiH, broj 36/10): „*mladi su osobe u životnoj dobi od navršениh 15 do navršениh 30 godina starosti*“.

Broj: 06-33-5471/25
Sarajevo, 20.05.2025. godine

